

平樂府志卷五

建置部一

城池

平樂縣

城附郭唐武德八年徙樂州卽今治爲刺史江齊賢所築宋治平元年知州事汪齊重修城高二丈一尺廣輪一百四十六丈乾道乙酉太守葛永慶因寇警鑿州治後山爲壕塹鐵鑊所及皆有鱗甲土山斷處紅鮮如血趙嶠爲守恐泄旺氣欲覆其地不果元初詔毀天下城池昭累被寇至正庚寅監郡禿斯斂民間墻瓦磚石以城之功未就而去

平樂府志

卷五 城池

一

次年通守趙士元乃續完明初外寇時警洪武十三年知府李誼奏設守禦平樂所千百戶劉源等以舊城狹隘不足容軍請闢廣之始甃以磚包砌以石又增拓之加高三尺總計高二丈四尺廣輪五百四十一丈東跨鳳凰山巔南瞰灘江西北帶樂水而環以池塘濠塹爲門三南曰安定西曰寧遠北曰鎮彝敵樓二座窩舖一十五間久廢宏治閒草寇竊發知府余玉復鑿城北二塹外樹排柵歲久頽壞正德閒兵備道張宏宜復修葺增高三尺共二丈七尺城東北山嶺環植以松昭山增秀矣嘉靖閒大水西南隅城外砌磚崩卸同知周訓

修復萬歷間知府歐陽東鳳見南門右北門左馬道城堞逼窄動支庫銀督工增高城堞開馬道計四百三十四丈重建三門城樓其東城自鐘鼓樓至鳳凰樓一帶枕於山嶺馬道窩舖俱低下五六尺難以瞭望城外知府陳啟孫親詣城上料理委官余廷高於城外取土用木天平架秤進城填築加高五尺用磚包砌完固長計二百六十丈

國朝康熙六年總督部院盧興祖巡撫都察院金光祖左布政李迎春右布政王原撫按察使李月桂兵備道胡朝賓平樂府知府王延禔推官歐陽動生各捐俸命知縣藍奮興修北門城樓一座敵樓

二座康熙九年霪雨彌月城垣傾頽一十三處平樂府知府楊榮蔭知縣陳光龍捐資修鳳凰樓後城垣一百一十五丈西北一帶馬道九處六十餘丈康熙十年修南門城樓今城高三丈廣四百八十七丈城堞口九百五十六每堞高六尺胡志計二百七分零通志陰城營房四十四間久廢康熙五十年查得自南門城樓起由魁星樓鳳凰樓至北門城樓止共坍塌城垣一十四處計十六丈六尺自北門城樓起至西門城樓止共坍塌城垣四處計二丈八尺自西門起至南門城樓止共坍塌城□四處計三丈六尺五寸平樂縣知縣黃大成捐

□修築康熙五十年北城樓災西南城樓圯壞五十八年知府慕國典捐俸修建祀北帝南城樓以火焰山正當治南民苦火災祀此取坎離相配以壓勝也

樂州舊城通志曰唐初置後改爲昭州在西南三里

平樂縣舊城在城西七里荔浦江口

廣運堡城卽廣運驛府江三城之一也在府江東岸距縣城六十里宏治閒寇作兵備道張吉創建僅築外城工未竟正德三年戊辰冬兵備道鄭岳因其舊而加磚甃焉高一丈五尺廣輪一百丈爲門一爲樓二爲警舖四爲屋五十楹以處將吏士卒城外環以濠塹其深與廣皆十餘丈大學士蔣冕有府江三城記今圯

足灘堡城在城東南九十里府江東岸正德二年丁卯兵備道鄭岳築甃以磚高一丈五尺廣袤百餘丈爲門三爲樓五爲屋五十楹萬歷二十七年知府陳啟孫詳動庫銀修理完固今圯

水滸營城在縣治東一百八十里萬歷初兵備道徐作創建高八尺廣輪一百四十丈爲門二

曹志建城在城西北三十里青鳥山旁與陽朔接壤明末志建以功封永國公時所作土城今陷馬

坑猶存焉志建於要害處皆設有營壘而青鳥山
乃其所經營最大者

恭城縣

城池三面臨江北倚山際下以石砌上甃以磚爲
門三唐武德八年建置於鳳凰山下卽茶城地舊
址猶存明成化間知縣夏瑋以城屢遭水患改遷
今治正德十六年兵道張祐以歲久傾圮發醵修
葺見鬻宮逼近城址移城開築萬歷十年知縣陳
朝策拓西城闢西門基知縣陳豸續完之

國朝康熙四年知縣張泰階重修六年二月內又修
葺城樓康熙八年冬九年春雪積雨霪土崩石潰

平樂府志

卷五 城池

四

吼裂如霆到處傾倒東明城樓俱隳共裂城垣一
百四十二丈七尺堞口□百七十三個康熙九年
秋知縣曹林韻典史何□祺重修磚石築砌較前
更爲完固東門城樓仍如舊制南門曰迎薰東門
曰朝陽西門曰文昌城高一丈二尺週圍約二里
堞口五百五十四個外無濠池子城府志池深一丈康熙
十三年經吳逆兵燹居民逃散蕩平後城西無一
烟戶西門封塞今僅東南二門

富川縣

舊無城創始於洪武二十九年都督韓觀以寇作
請設守禦千戶所始築土城百戶朱達千戶江誠

王禮劉信相繼成之週圍六百三十四丈高一丈

八尺

胡志

厚八尺堞口九百有九

通志

爲門四東曰向

日南曰迎薰西曰昇平北曰泰定

胡志

東曰昇平西

曰泰定南曰向日北曰迎恩門

通志

各樓門內有兵

馬司歲久墻垣樓門圯壞萬歷八年夏本府同知

鄭應麟署縣事重修復建更舖於馬路以便巡邏

承平日久城垣樓櫓復傾三十六年知縣張文耀

增修城垣週圍高三尺重修東南樓重建西北樓

額曰雄鎮樓城外池邊馬路修砌完固縣西北地

勢最高北舊無濠西雖鑿有濠然無水惟東南一

帶有淺濠今與民砌斷爲塘歲入租錢爲公費明

末兵燹後無存

國朝康熙十一年知縣劉欽鄰修復二十四年知縣

湛紹容四十七年知縣周祚顯乾隆七年知縣馬

鍾河因傾圯日甚詳請發帑通修九年工竣城墻

及四門樓兵馬司內外馬道煥然一新

縣志

舊志云洪武二十八年徙縣治於守禦千戶所二

十九年城富川初縣無城是年征蠻將軍韓觀䟽

請始建百戶余達千戶江誠王禮劉信相繼築建

竣事舊治在鐘山鎮其徙也以典史徐魯之奏守

禦所在靄石山下則明洪武二十二年韓觀請設

見明史本傳舊志俱未明晰計請設所時至徙縣

僅六七年而靄石之縣城僅三里縣徙而所來同居此事之必然但觀傳並無疏請建城事而余達等表內又不載其名大抵志有舛錯今於可考者正之其不可考者闕之

縣志

賀縣

秦漢以前舊有土城爲門四高二丈週圍七里宋因舊址以磚增築三尺爲門三爲樓四元初毀諸城惟此獨存明洪武二十九年閒設守禦千戶所軍至多疫俗以甌山形勢衝西門千戶王奎用土塞門因廢其樓止存鎮連寧建二門濠深七尺濶二丈五尺嘉靖十一年府江兵備道副使伍箕同

平樂府志

卷五 城池

六

知縣王聰重修城計五百七十丈零四尺堞一千零七十有四角樓四窩舖一十六間東築月城爲樓一兵馬司一嘉靖十四年夏五月大水滄城知縣陳試修葺仍開西門建樓一日瑞雲爲兵馬司一尋復閉

胡志

城高

二丈厚八尺周三里六十五步池深七尺廣七尺

通志

國朝乾隆六年知縣馬世煥晏體謙修

通志

修仁縣

宋元明俱城於馬浪後遷霸寨成化閒始邑於五福嶺初係土城明成化十九年總督朱英命官督

砌以石築東西南三門樓三座遇圍二百零九丈高一丈八尺濶八尺墻堞口二百七十五窩舖四外垣皆居民無濠塹

國朝康熙五年知縣李子實重修歷年既久城樓傾圮無存城垣崩塌缺陷甚多宵小每踰出入雍正二年知縣傅俊捐資重修如新五年署知縣黃錦璋重修今增北門

通志

荔浦縣

荔州城舊址在永福界荔浦舊縣在今治之南濱江知縣馬宥如築土爲城按故老相傳先是縣治在永蘇里荔江之濱以荔水因名曰荔浦今故址

平樂府志

卷五 城池

七

尙在景泰七年遷今城蓋舊城濱江背山每賊來窺伺率自高山而下屢爲所破民不可守至是知縣伍繪乃遷今城

胡志

成化十四年總督御史朱英

命官督砌以磚石城上覆以串樓週圍二百四十八丈八尺爲門二南曰迎薰北曰承恩嘉靖二年知縣雷燮重修城堞串樓成

省志

荔浦城高僅丈餘

設有反側何以防守自建遷之後蓋造角樓四座串樓八十三間軍士城守甚便後居民失火燎焚殆盡萬歷九年知縣呂文峯增開東西二門東曰長春西曰阜成各有譙樓後因賊亂防守無人遂塞東西二門今仍之

國朝康熙四十七年邑城崩壞知縣許之豫捐資砌以磚週圍城堞復增高一尺沿城遍栽芙蓉楊柳今城高一丈八尺厚九尺二寸周一里三分女牆高三尺三寸厚一尺二寸堞口四百十七個城樓二池深九尺

省志

萬歷六年立土司二城

明初荔浦舊設巡司二員一在峯門一在南源皆地方要害之區獠獍盤據之所故立二巡司以控制之巡撫都御史郭公應聘圖爲善後計議易土司分兵建城於三峒割腹裏之地膏腴之業給印世守焉十年下峒土司復建城於延賓江初二土

司城並立中間四方隔江相對而延賓一帶爲修荔永安土司出入之路也地方寥落梟獍之徒時竊伏剽掠行人患之縣爲之條陳當道陳公應春下其議准魚鹽銀置城合下峒土司居守焉隱然爲地方一大保障矣中峒土司城在縣治東南十五里門樓四座週圍一百八十五丈高一丈六尺下峒土司城在延賓江去縣東三十五里門樓止北而一座周一百三十七丈高一丈七尺

昭平縣

舊縣在江水西岸明成化間總督朱英所築寇陷

改爲堡正德三年副使鄭岳遷堡城於東岸設守
備衙門萬歷四年復建縣於西岸其城上磚下石
高一丈七尺廣二百四十丈南東西三門城樓四
座窩舖八間女牆二百零六垛胡志爲門三樓四窩
舖八南樓壞八年知縣方思齊四十一年知縣蕭
啟賢重修省志有城無濠以正南臨府江東西北三
面皆石山砂礫不能鑿也胡志城周一里三分東南
西三門皆有樓肖志
北陀城在馬江里縣東一百三十里舊爲賊巢萬
歷二十八年大征總督戴耀築高二丈週三百六
十四丈三門門上有樓建窩舖四

仙迴城縣西北七十里萬歷十三年大征土舍黃
仲拙捐造高一丈七尺週一百八十丈爲門三
韋崗城縣東北九十里萬歷八年土舍黃仲拙捐
築高一丈六尺週一百丈爲門二

永安州

今城建自明成化十三年總督朱英委副使范鏞
參議謝綬知州閉魯建築週圍八百九十步高一
丈六尺厚六尺用石砌脚磚墻包土原設四門東
曰宣化西曰鎮遠南曰永定北曰天一門之上各
置譙樓一座其天一門因州城內外風化所關旋
議堵塞其譙樓仍存雉堞四百四十九無子城女

墻外無濠水城內橫引一渠由東城脚直流至東門穿入城內州署前金帶橋橫過出西門漑州南田畝春夏築壩有水秋冬乾涸其穿城處設鐵柵國朝順治十八年知州屠德隆修葺康熙五年知州鄧林尹重修二十二年知州丁亮工重加勘量週圍二百四十八丈五尺高一丈六尺厚六尺城門三城樓四加窩舖一十二敵樓炮臺四塚四百四十九至今歷任皆加修補胡志今城周二里半省志杜莫寨石砌城墻五門門上有樓寨中建鐘鼓樓供元帝像西門內設公署供官長停驂知州丁亮工顏曰且止堂

壇宇

平樂縣

山川壇在南郊駱家橋後山之麓知府慕國瑛建社稷壇在北郊龍興觀右知府慕國瑛建

厲壇在北郊白雲庵左

府城隍廟在府學右知府陸鍾呂葺東壁嵌記國瑛壇碑

縣城隍向附府城隍廟無專祠

關帝廟一在鳳凰山一在北門外後街

鄒侍郎祠在府學後舊在城西北祀鄒忠公今廢

三賢祠在縣東街麓嘉靖丙戌參政鄒輓建奉范

祖禹鄒浩胡銓後圯雍正十一年知府陳希芳重

建嘉慶五年知縣張第修

王公祠宋淳熙中王光祖知昭州有惠政民立祠

祀之續通考

茅公祠明建祀僉事茅坤

名宦鄉賢祠在府學前一在縣學

忠義節孝兩祠一在縣學右一在北城外雍正三

年知府胡醇仁通判呂成章知縣吳元鉞同建

先農壇在城東大教場雍正四年知府胡醇仁建

昭忠祠在北門外嘉慶八年知縣謝廷書建

七賢祠在城北舊爲道鄉書院祀鄒浩後增范祖

禹胡銓爲三賢祠明萬歷間增祀唐韓思彥韋陟

宋黃葆光洪興祖爲七賢祠春秋二仲守令致祭

國朝至於康熙二十年副總兵文養謐六十一年知

府慕國典重修嘉慶三年知縣張第修

五賢祠在府學東宋守王光祖建以祀梅摯鄒浩

孫直菴徐正柴肅今廢

三公祠在城南駱家橋明鹽商私建祀副使陳應

春天啟年間知縣鄭圭以副使韓紹中丞蔡應科

同祀蔡開江韓開道陳通商皆有功於昭州今廢

孫公祠人地皆失考

文昌祠在塘背庵敬業書院康熙四十二年建邑

民劉成龍關啟照訐訟斷絕戶田二十四工山地

三所餘糧六石爲香火

按嘉慶六年五月初九日奉

旨列入祀典以二月初三日八月十八日致祭

山神廟在仙宮嶺下平樂多虎患每至秋冬越城而八自前都督何公建祠後虎患遂息

龍王廟在城西舊有天一塔取天一生水以厭前山火星然塔形類火明知府陳啟孫毀塔建廟天后廟卽龍池廟在駱家橋右祀龍母之神祈雨立應

眞武廟在北城內鳳凰山巔

太和宮在鳳凰山

火神廟在西門外驛門前康熙五十八年知府慕國瑄建胡志舊在南門外火焰山城多火患康熙五

十七年慕國瑄改建驛門前又塑北帝神像於南城火患以息省志

藥王廟在北門外副使胡朝賓知府主延禱割七賢祠建

二仙廟祀譚氏二女一在樂山里誕山宋時建一在府城靈濟廟西今廢

靈濟廟卽五將廟在昭潭江上相傳五將爲鬱林人宋宮殿災五將救免不受賞爲商至昭潭遇難封爲神五姓金銀梅劉柴又云在宋時禦寇有功

德廟食茲土故昭平下有五將灘與堡之名客商

往來禱賽輒應志胡宋紹興時錫廟號開禧間封侯

爵端平間加仁濟號明萬歷戊寅修志省

嘉應廟祀宋益州轉運使周渭一在望仙塘南山

下一在慶豐倉前今廢志胡勅封靈濟忠祐惠烈王

廟在城北祀宋彰信軍節度邑人袁景星修志省

合公廟一名金富宮在昭山西俗誤傳祀哪叱

拾娘廟在令公廟山巔蓋江遊神也

昭靈廟在樂山里下邳村姓翟宋有武功志胡封太

尉志省

普安廟在樂山里神姓莫名國麟有武功宋咸寧

平樂府志

卷五 壇宇

十三

閒封昭慶靈應侯志胡隋時人志省

魯般殿在魯般井上祀公輸子今廢

五顯廟在仙宮嶺下即五通廟

恭城縣

社稷壇在南郊志胡在城東南半里明成化十三年

建雍正十一年重修

風雲雷雨山川之壇在南郊雍正十一年重建

厲壇在北郊

先農壇在東城外雍正五年建

忠義祠在學宮櫺星門右

節孝祠在梓潼觀左雍正三年知縣方顯建

城隍廟在縣治西明成化十三年建康熙三十六

年知縣吳紹微修

省志

周王祠祀周公渭在萬壽寺東祀用春秋戊日土人呼為周五郎明成化十四年建

國朝雍正元年知縣王昌齡修得方輿勝覽周渭字

召舉進士走京師以書干藝祖皇帝畫下嶺表之策

御史乞不受錫賜願充昭州所收百姓關帝廟在縣西明萬歷癸卯知縣陳朝策建胡明

成化十三年建

國朝康熙二十九年修五十九年知縣王汧重修金

破山廟本在省城西門康熙十九年邑人迎祀於

平樂府志

卷五 壇宇

十四

北鄉六嶺堡其神為武當廣護靈王

北鄉平壘侯士全廟靈川人康熙四十四年追賊

被傷鄉人義之肖像以祀

千金堰李秀才張巡檢廟二人董堤工故祀之

富川縣

社稷壇在西郊

先農壇在縣南城外雍正四年建

風雲雷雨山川壇在南郊雍正十一年修建

厲壇在北郊

城隍廟在東門內明萬歷三十八年知縣張文耀

創宿齋所三間於後

關帝廟在城北

上地祠在儀門外

土神廟在南門舊傳李藥師之子常顯神邑人祀之

旗纛廟在城北

李衛公廟在長標嶺祀唐李靖靖撫嶺南嘗駐師嶺下土人卽其地立祠祀之

三界廟在城東一在江東北一在江東南

東嶽廟在東北郭

龍母廟在柳家源遇旱祈雨立應

眞武廟在縣北郭

福神廟在縣南郭

趙公祠祀宋辰州守趙明邑人李伯宗建明嘉靖

閒李氏相繼修之

省志

太尉廟在秀峯祀宋毛炳

北府廟在城西北祀唐李靖後堂祀天后

鐘山城隍廟在鎮內

三統廟在古城

龍井廟在興雲巖祈雨輒應

龍窩仙姑廟在神灣山中祈雨立應

龍巖廟在東莊後土人祈雨於此

文昌閣一在江東馬鞍山一在朝東村

名宦祠在文廟戟門左

鄉賢祠在戟門右

忠義祠在明倫堂右雍正二年建

節孝祠在養濟院後雍正二年建

賀縣

社稷壇在城北雍正十年修建

風雲雷雨城隍山川壇舊在城西明嘉靖三十五

年縣丞石汝礪改建南門外雍正十年知縣史凌

重修

厲壇在城北

先農壇祠在縣城外教場雍正五年知縣曹龍文

建

旗纛廟在縣治南康熙二十五年守備王智昉建

城隍廟在西門內康熙十年知縣何標修雍正元

年重修

陳侯祠春秋用丁日祭

胡志

忠祐廟在縣治東南南宋乾道中建祀唐陳侯逸其

名一統志

忠祐顯應侯姓陳氏乾道中郴寇犯境十

里外見城上執兵者甚衆遂遁淳熙中陳崙賊入

境亦震懾而退事聞賜廟額累封惠靈公明嘉靖

三十三年修康熙初重新之雍正七年修

省志

侯陳

姓賀人生隋唐間沒而靈顯宋屢封顯應孚佑廣

惠侯明嘉靖年建志金

忠孝祠在縣北大會鄉雍正三年修

名宦鄉賢祠在縣學內

忠義祠在縣學前

節孝祠在縣治前

文昌祠

寶王廟在縣東南蕉木廠祀司銀礦之神

天后宮在城外上水東

眞武廟在縣城外水東街

修仁縣

社稷壇在城西志胡在城北半里雍正十年修志省

平樂府志

卷五 壇宇

十七

風雲雷雨城隍山川壇在城北雍正十年修

厲壇在五福嶺西

先農壇在城外東北一里雍正五年建

名宦鄉賢祠在學宮內康熙四十四年知縣馮千

英重建雍正二年知縣傅峻修

關帝廟在西關外

城隍廟在縣治左

荔浦縣

社稷壇在城南雍正十一年修

風雲雷雨城隍山川壇在得勝橋西雍正十一年

修

先農壇在縣城東北雍正五年建

雷神祠在縣治西明宣德四年知縣伍奇建

古城隍廟在縣治今城隍廟在東城外明洪武三

年建天順初知縣伍繪修

省志

尉佗伏波二廟在荔浦縣建水水口

一統志

今無考

名宦鄉賢祠在學宮內

忠義節孝二祠在城南雍正三年知縣姜濟泰建

厲壇在接龍庵後北城外

關帝廟宋紹興閒建在城南儒學側明隆慶六年

大征朦朧三峒爲立新廟於西關外

莫王廟在青山河邊以正月十六日有司致祭

魁星閣在縣東南濱江石磯上基高數尺原祀文

昌近年傾圮知縣許之豫重修以梓潼觀地寬因

改建

文昌祠七賢祠在城外東南隅二祠舊爲梓潼觀

基康熙四十七年知縣許之豫建荔川書院院內

左祀文昌帝君右祀周朱二程二張昌黎七賢

鍾侯祠明末士民創祀縣令鍾行旦後基址侵失

康熙中知縣許之豫劃清永爲官地

縣令葉正陽生祠在古學橋邊今廢

縣令呂文峯生祠在三界廟側今廢

尙書廟在城北濱江知縣許之豫重修

關帝三代祖廟雍正閒知縣姜濟泰捐俸建在廟後

昭平縣

社稷壇在南門外雍正十一年修志胡在東城外志縣

風雲雷雨山川壇在北門外雍正十一年修

先農壇在縣東城一里雍正五年建志縣

厲壇在北門外

城隍廟在縣治西南乾隆三十二年重修

關帝廟在城東雍正三年知縣錢兆澧重建

三烈祠在縣東岸志胡祀明梧州府通判劉仁妾張

氏郭氏女辰秀三人皆遇賊矢志死明嘉靖十九

平樂府志

卷五 壇宇

十九

年守臣請建祠賜額三烈志省

文昌祠在城西志胡白泥冲東岸志縣

玉樞宮城南門外萬歷年間設縣建造順治十六年傾圮十八年重修

三界廟在昭平里五將塘康熙三十八年平樂副將文養謚建

五將廟在五將冲口往來船隻虔奉

功德祠在東門外

甘公祠在玉樞宮之左志胡明崇禎十八年三十八

排士民全建祀知縣甘文奎附祀布政司涂紹燧

邑人王承聘知縣蕭鑑

準提閣在南門外馬頭

觀音閣在南門外

應天禪寺在朝煙閣之上與古鉢山對峙

天后廟在城外江澣康熙三十七年建

伏波廟在城南昭平里大巷口村康熙五十六年

布政使黃國材建

盧耽廟在龍平縣界

寰宇記

龍平古縣名

靈濟廟在龍平縣有宋寧宗理宗二敕詳外志

四公祠在縣東隅明建初祀府江道姜志禮知府

譚煒知縣王泌天啟二年修增祀參政徐作今□

名宦祠在學宮之左

平樂府志

卷五 壇宇

二十

鄉賢祠在學宮之右

忠義祠在學宮傍南池書院後雍正三年知縣錢

兆澧建

節孝祠在縣治昇平街東雍正三年知縣錢兆澧

建

眞武廟在恩來里北陀城明萬歷年建

戴公祠在驛前坊康熙四十八年三八十排士民

公建祀平樂府知府戴錦而以知縣楊一漳附

北府廟在下關西岸今圯

鄉主廟在馬峽口右岸附城香火

龍神廟在銅盆峽口鹽船香火

白馬廟在寧化里沙塘村東明萬歷閒建乾隆十九年修

巖口廟在寧化里南乾隆二十年里人移建於蚌山下

鎮龍廟在北陀峽口祀陳大將軍帥四位
龍母廟爲顯聖靈壇求雨輒應

永安州

社稷壇在州城西南隅百步雍正十年建

風雲雷雨城隍山川壇在南門外泗洲寺後

先農壇在城北一里雍正五年建

厲壇在舊縣後五十步

平樂府志

卷五 壇宇

二十一

城隍廟在州治東南關內知州鄧林尹建知州

亮工重修一在杜莫寨雍正十一年修

關帝廟在州治西三十步知州丁亮工重修

眞武祠在北城樓上

文昌祠在儒學儀門左

忠義節孝二祠在學官東雍正三年知州任琳建

文奎樓在州東南

金志

名宦祠

平樂府志卷五